


Tulun-an 8

ANG DIOS MAGATATAP SA IMO



Tun-i ini nahanungod sa Dios.

Ginatatap sang Dios ang nagasunod sa Iya.

Ang Dios nagakalipay kon kita magsiling, "Salamat."

Kita nagahatag sang dulot sa Dios sa pagsiling "salamat."



Easaha ini gikan sa Biblia
Basaha sing mabaskog sing 5 ka beses

Nag-ulan.... sing kap-atan ka adlaw kag gab-i. Kag naglambas ang mga tubig sing labaw gid sa ibabaw sang duta kag linapawan ang tanan nga mga bukid nga mataas. Nabilin lamang si Noe kag ang mga yara kaupod niya sa barko. Genesis 7:12, 19-23.

Ginbutangan ko sang balangaw ang gal-um; bilang tanda sang akon katipan . . . kag indi na gid magaabot ang mga tubig sang anaw sa paglaglag sang tanan nga unod. Genesis 9:13, 15.

Mahimo mo bala ini?

Tipoloni ang husto nga sabat

1. Pila ka adlaw nga nag-ulan?

apat napulo kap-atan

2. Pila ka tawo ang nabilin nga buhi sa gowa sang arka?

tanan napulo wala

3. Ano nga tanda ang ginhatag sang Dios kay Noe?

balangaw mga bitoon

Mga Sabat

1. kap-atan
2. wala
3. balangaw

Ang Dios nagatatap sa ila nga nagatuman sa Iya.

Linyahi ang mga tinaga
'halin sa •tubto sa •



Naglabas ang mga tubig
sa ibabaw sang duta kag
ginbayaw ang arka kag
naglabaw ini sa duta. Si

Noe kag ang iya panimalay hilway sa barko.

Ang mga hayop hilway man.
Sila may pagkaon, hilamon
kag dagami, liso
kag mga uyas.
Mani kag prutas.
Gintatap sang Dios
kag ni Noe ang mga hayop.



Nag-ulan sang kap-atan ka adlaw.

Kag ang Dios nagpadala
sang mabaskog nga hangin
agud magmala ang
duta. Ang tubig naghubas kag
ang arka nagtungtong sa
putok-putok sang
mataas nga bukid
kag didto nag-dungka.



Si Noe kag ang iya panimalay nagpabilin
 sa arka tubtob nagmala ang duta.
 Nagdugay sila sang isa ka tuig
 sa arka. Gintatap sila
 sang Dios sa arka.



Sang ulihi nagmala ang duta.
 Ginbuksan ni Noe ang
 ganhaan. Ang tagsa-
 tagsa naggowa sa
 initan, si Noe kag
 ang iya panimalay kag ang tanan
 nga mga hayop kag pispis.

Ang elepante nagturutot sa
 kalipay. Ang mga amo labi nga
 nagginahod. Nagngurob ang mga leon
 nga ginadab-ot ang ila mga
 ikog. Ang tagsa tagsa
 nalipay nga hilway kag nakagowa
 sa arka.



Hunahunaa ini

Nakabagyo bala kag nahadlokā ka?
 Sin-o ang yara sa pagtatap sa imo?
 Sin-o ang nagbulig kay Noe luwas
 sang iya panimalay kag mga hayop?
 Sin-o ang nagbulig sa imo
 ginikanan sa pagtatap sa
 imo?

Sin-o ang nagpabunga sang
 tanum agud may kaonon ka?
 Nagapasalamat ka bala sa Dios sang imo pagkaon?
 Ukon sa pagtatap Niya sa imo kon magbagyo?
 Ukon sa pagtipig sa imo adlaw-adlaw?

Ang Dios nagakalipay kon kita magsiling, "salamat."

Ang una nga ginbuhat ni Noe amo ang pagsiling "salamat" sa Dios. Si Noe nagpasalamat sa Dios sa pagtatap Niya sang iya panimalay kag sa tanan nga mga hayop kag pispis. Si Noe nagpasalamat sa Dios sa bag-o kag matinlo nga kalibutan nga napuy-an. Si Noe naghalad sa Dios sa pagsiling, "salamat."



DIOS



Ang Dios nalipay tungod si Noe nagsiling "salamat". Ang Dios nagsaad kay Noe: "Indi ko na liwat paglaglagon ang duta sang tubig." Ang balangaw tanda sang pangako sang Dios. Kon makita mo ang balangaw, dumduma nga ang Dios magatatap sa imo.



Kita nagahatag sang dulot sa pagsiling "Salamat"
Ginadala naton ang aton dulot sa simbahan.
Tun-i ini nga pangamuyo sa pagsiling sa
Dios kon ikaw maghatag sa iya sang "Pagpasalamat nga dulot."

Pangamuyo:

Salamat Dios, sa tanan mo nga pagtatap
Sa puloy-an, pagkaon kag panapton.
Batona ining diotay nga dulot nga dala ko
Sa pagpasalamat sa imo sa tanan nga butang.



Karon sulati ang imo Rekord sang Estudyante sa Leksyon 8
INTERNATIONAL CORRESPONDENCE INSTITUTE
PHIL. NATIONAL OFFICE' P.O. BOX 1084, MANILA


ANG DIOS MAGATAPAT SA IMO

KALINGAWAN PARA SA IMO

Maghimo sang balangaw sang mga panaad.

Butangi sing linya ang tanan nga mga pintok agud makahimo sang apat ka kurba. Kolore ang tunga sang mga linya sa nahamtangan sang mga panaad.

1. Ibabaw nga bahin — pula
2. Sa ubos sang pula — dalag
3. Sa ubos sang dalag — berde
4. Sa pinakaubos — asul



Basaha ang kada pamangkot sing mahinalongon. Pagkatapus kolore ang kahon sa idalom sang husto nga sabat.

1. Si Noe kag ang iya asawa may tatlo ka anak nga lalaki?
2. Ang baha nagpuno balá sang duta?
3. Si Noe bala malain nga tawo?
4. Gintatap bala sang Dios si Noe kag ang iya panimalay
5. Namatay bala sa gutom ang mga hayop sa arka?
6. Ang Dios bala magatatap sa imo?
7. Napasalamatan mo bala ang Dios sa pagtatag Niya sa Imo?

Huo	Indi

Isaysay ang mga paagi sa diin gintatap ka sang Dios.

.....

.....

.....

.....

.....

.....

Ginbuhat mo bala ang tanan sa sini nga tulon-an?

Isulat sing maathag ang imo ngalan

Grado

Ang imo eksamin pagagradohan kag ibalik sa imo upod sang masu-
nod nga tulun-an. Malipay kami kon magsulat ka sa amon. Mamang-
kot ka kon may mga butang nga buot mo mahibaloan samtang naga-
tuon sini nga kurso. Ipadala ini sa ICI—Philippine National Office—
P.O. Box 1084, Manila.